

明鑑紀事本末

紀事本末卷之十二

提督浙江學政僉事豐潤谷應泰編著

男

際第

太祖平滇

太祖洪武五年春正月癸丑遣翰林院待制王禕

詔諭雲南雲南古滇池地南控交趾北接吐蕃西擁

渚甸東以曲靖為門戶與蜀黔錯壤麗江松潘烏蠻

霑益如大牙然戰國時楚威王使將軍莊蹻將兵循

江上略巴蜀黔中西至滇池以兵威定屬楚歸報會
秦擊楚巴黔道塞遂以其衆王滇變服從其俗以是
之漢武帝元狩元年彩雲見南方遣使跡之起于洱
河因冥雲南郡論滇王入朝宣帝遣王褒求金馬碧
鷄之神蜀漢建興二年諸葛亮南征雍闓斬之封其
渠龍祐那爲部長賜姓張氏漸去山林徙居平地建
城邑務農桑諸部于是始有姓氏隋開皇中爲史萬
歲所破唐武德貞觀間張氏弱遜位蒙氏號南詔天
寶七年閣羅鳳反敗節度使鮮于仲通西洱河後

民有其地。段氏之先。武威郡人。收國號大理。宋太祖
立。王全斌下四州。請取大理。監唐之禍。以王斧畫大
渡河。曰。此外非吾有也。由是雲南不被兵。段氏得長
世焉。元世祖自臨洮過大渡河。經山谷二千里。至金
沙江。乘革囊以濟。獲段興智。滅其國。乃以其子忽哥
出爲雲南王。填之。仍錄段氏子姓守其土。忽哥死。封
其子松山爲梁王。至正時。把匝刺瓦爾密嗣位。明王
珍三攻之不克。至是上旣平夏。乃遣使往諭之。

六年冬十二月。詔使王禕被殺于雲南。禕初至雲南。

見元梁王君臣諭以奉版圖歸職方。梁王不省館于別室。數日又曰。予將命遠來。非爲身謀。朝廷以雲南百萬生聚。不欲殲於鋒刃。曾不聞元綱解紐。陳友諒據荆湖。張士誠據吳會。陳友定據閩關。明王珍據巴蜀。天兵下征。不四五年。悉膏斧鉞。惟爾元君北走。以死擴廓帖木兒之屬。或降或竄。曾無用武之地。當是時。先服者賞。後至者誅。乃今日料勇悍強獷。孰與陳張。土地甲兵。孰與中國。天之所廢。誰能興之。不然。皇上遣一將軍。將龍驤百萬。會戰昆明池。爾猶魚遊金

中不亡何待。梁君臣相顧駭服。頗有降意。改詔禪厚
待之。會元太子自立於沙漠。遣使脫脫。自西番徵糧。
雲南謀連兵拒我。脫脫聞知。梁王有二心。欲遁殺朝
使以固其意。梁王持兩可。不決。禪民聞脫脫聞之。
謂梁王曰。國家顛覆不能救。反欲附他人邪。欲躍馬
去。梁王不得。由禪與脫脫相見。脫脫欲屈禪。禪罵
曰。天命訖汝。我朝實代之。燭火餘燼。尚欲與日月
爭光乎。我將命使。豈爲爾屈。梁王曰。爾朝殺我
太兵。至矣。竟被箠。瘞地。葬。北。禪有王佐才。上嘗

語曰吾固知浙東有二儒卿與朱謙耳學問之博卿不如謙才思之雄謙不如卿後子紳走雲南求遺骸贈翰林學士諡文節

七年秋八月遣元威順王子伯伯齎詔往諭雲南

八年秋九月命湖廣行省叅政吳雲使雲南上諭雲

曰今天下混一四方賓服獨雲南一隅未奉正朔朕

欲以兵取之恐勞師費財重傷吾民卿能爲朕作陸

賈乎雲對曰雲南恃其險遠故阻聲教臣奉陛下威

德曉以禍福彼必順附若其頑不從與師未暇遂遣

雲行時元梁王使其臣鐵知院等二十餘人使漠北
爲徐達所獲送京師上釋之命與雲偕行至雲南之
沙糖口鐵知院等謀曰吾屬奉使不達被執而還罪
必不免於是共逼雲易服詐爲元使更制書以給梁
王雲不從鐵知院等知不可奪遂殺之

十四年秋九月壬午命潁川侯傅友德爲征南將軍
永昌侯藍玉西平侯沐英爲副將軍帥師征雲南列
侯曹震王弼金朝興都督郭英張銓等皆從上諭之
曰雲南自昔爲西南夷至漢置吏臣屬中國今元之

遣孽把匝刺友爾密等。自恃險遠。輒害使臣。在所必
討。爾等行師之際。當知其山川形勢。以規進取。朕嘗
覽輿圖。咨詢於衆。得其阻塞。取之之計。當自永寧先
遣驍將。別率一軍。以向烏撒。大軍繼自辰沅。以入普
定。分據要害。迺進兵曲靖。雲南之噤喉。彼必併
力於此。以抗我師。審察形勢。出奇制勝。正在于此。既
下曲靖。三將軍以一人提兵向烏撒。應永寧之師。大
軍直擣雲南。彼此牽制。使疲于奔命。破之必矣。雲南
既克。宜分兵徑趨大理。先聲已振。勢將瓦解。其餘部

落可遣人招諭不煩兵而下也師行上餞于龍江旌
旗蔽江而上丁未傅友德師至湖廣分遣都督郭英
胡海洋陳桓等帥兵五萬由四川永寧趨烏撒友德
等率大兵由辰沅趨貴州十二月辛酉傅友德率
藍玉沐英等進攻普定克之羅鬼苗蠻犵狁望風降
至普安復攻下之乃留兵戍守進兵曲靖元梁王把
匝刺瓦爾密聞明師下普定遣司徒平章達里麻將
精兵十餘萬屯曲靖以拒我師右副將軍沐英謂傅
友德曰彼謂我師疲於深入未有虞心若倍道疾趨

出其不意破之必矣。上所謂出奇取勝者此也。友德是之。遂進師。丙寅未至曲靖數里。忽大霧四塞。衝霧而行。阻水則已。臨白石江矣。頃之霧霽。達里麻望見。大驚。倉皇失措。友德卽欲濟師。英曰。我軍遠來。形勢旣露。固利速戰。然亟濟恐爲所扼。乃整師臨流。勢若欲渡。達里麻悉精銳扼水。英別遣數十人從下流潛渡。出其後。鳴金鼓。樹旗幟。達里麻急撤衆禦之。陣動。英乃拔劍督師。濟江以猛。而善泅者先之。長刀蒙盾。破其前軍。敵氣索。退數里而陣。我師畢濟。友德麾兵

進薄之。矢石雨發。呼聲動天地。戰數合。英縱鐵騎擣
其中堅。敵衆披靡。遂大敗。生擒達里麻。橫屍十餘里。
俘其衆二萬。友德悉撫而縱之。使各歸業。蠻人見歸
者皆喜。軍聲益振。遂平曲靖。留兵鎮其地。友德分
遣藍玉沐英率師趨雲南。而自以衆數萬向烏撒。爲
郭英等聲援。王申元梁王把匝剌瓦爾密聞達里麻
敗。棄城走入羅佐山。其右丞驢兒自曲靖馳歸。謂曰。
事急矣。將奈何。于是把匝剌瓦爾密挈妻子與左丞
達的驢兒俱入普寧州。忽刺索焚其龍石。驢妻子俱

是滇池死。癸酉，藍玉沐英等師至雲南之板橋。元右
丞觀音保出降。明日，駐兵金馬山。故梁王聞，盪也先
帖木兒以金寶來獻。諸父老焚香出迎。玉等整衆入
城，秋毫無犯。收梁王金印，并富府約信圖籍，撫定其
民。自九月朔出師，迄下雲南，僅百餘日。藍玉別遣曹
震王彌金朝興等率兵二萬分道進取，略安諸路。皆
下之。沐英分兵趨烏撒，會友德。先是，都督郭英等謂
永寧路多險阻，請將欲深入。英曰：「破敵貴知所攻取，
必自近始。舍近趨遠，非策之上也。」遂以兵攻赤水河。

去河二十里爲營。時久雨水暴漲。英曰：賊恃水漲，不
意吾濟。下令諸軍斬木造筏。夜半濟河北。曉敵始覺。
遂大驚潰。生擒阿客指蠻。雲南諸郡邑皆震。至是友
德自曲靖帥師循格孤山而南，直擣烏撒。元右丞實
卜收兵屯赤水河，拒郭英等。友德大軍至，實卜遁。友
德下令城烏撒，版築方具。實卜引諸蠻復大集。友德
據高岡，嚴陣待之。諸將請戰。友德故勿許。士爭奮思
致死。友德度其可用，下令曰：我軍深入，有進無退。彼
旣遁而復來，心必不一。併力與戰，破之必矣。若使彼

據險自固。未易克也。遂進戰。師旣陣。苾部士酋帥衆來援。實卜合勢迎戰。我師超之。戰數十合。渠長多中。渠墜馬死者。我師益奮。蠻衆大潰。斬首三千級。獲馬六百匹。寔卜率餘衆遁。遂城烏撒。得七星關。以通畢節。又進至可渡河。于是東川、烏蒙、苾部諸蠻震懼。皆望風降附。

十五年春正月辛巳朔。元威楚路平章閔乃馬百叅政列車不花等詣曹震營降。壬午。元曲靖宣慰司行省樞密院同知怯列該傳慰高仁廉。訪司副使李羅。

海手及中慶武定徵江二路。嵩盟晉寧昆陽安寧新
興路南建水七州。昆明富民宜良南甸河陽陽宗六
縣。達魯花赤劉麻等官。皆詣藍玉沐英營降。丁亥置
貴州都指揮使司。命平涼侯費聚汝南侯梅思祖署
司事。甲午遣使諭傅友德等曰。比得報知雲南已克。
然區畫布置尚煩計慮。前已置貴州都指揮使司。然
去雲南尚遠。今必置都司於雲南。以統諸軍。既有土
有民。又必置布政使司。及府州縣治之。其烏撒烏蒙
東昌。茫部建昌之地。更宜約束渠長。留兵守禦。禁民

勿挾兵刃。至如靄翠輩不盡服之。雖有雲南亦難守也。金朝興兵畧徵江臨安沅江尋甸楚雄洱海俱下之。革宣慰司立臨安府及各府十四衛置雲南都指揮司。以都督謝熊馮誠署司事。二月置雲南布政司。改中慶路爲雲南府。命汝南侯梅思祖平章潘原明署司事。以張統等爲叅政叅議等官。閏二月靄翠至京。賜衣帽。及鈔遣還。藍玉沐英等進兵攻大理。大理城倚點蒼山。西臨洱海爲固。土目段世聞明師且至。聚衆扼下關以守。下關者南詔皮羅閣所築龍